

Lingzgiz Cien Bi Laecelece

流淌千年的灵渠

□ Maknam hoiz



▲Yienghndei Lingzgiz.

Lingzgiz dwg diuz yinhoz ceiq gaeuqgeq seiqgyaiq ndawde diuz ndeu, cix dwg aen yizcanj gungh-cwngz dwkraemx laeng seiqgyaiq, vunzlai haenh diuz de guh “aen cawrongh guh suiqli laeng seiqgyaiq ciuhgong”, lij maij dwennaеuz “baihbaek miz Cangzcwngz, baihnanz miz Lingzgiz”, Goh Mozyoz caemh haenh naеuz: “Diuz raemx neix caeuq Cangzcwngz doxdoi, cungj gig hungmbwk.”

Gezgou

Lingzgiz youq gunghyenz gong bi 214 guhbaenz, daengz seizneix gaenq ndaej song cien song bak lai bi. Ga dah neix raez samcib seiq goengleix, faen bakcae, aen fai dienbingz hung caeuq dienbingz iq, diuzdae Cinzciuz, aen dienbingz baizraemx, miengbaihnanz, mieng-baihbaek, doujmwz daengj.

Bakcae dwg aen fai aeu rin caep ndeu, caeuq dienbingz hung, iq doxciep, yienghceij lumj bakcae,

baihnaj soem, baihlaeng maeuz. Aen fai dienbingz hung caeuq dienbingz iq gig youqgaenj, aen dienbingz hung youq baihbaek, aen dienbingz iq youq baihnanz, songde doxrangh baenz cihsaw “vunz”, gat raemx Dahhaiyangz, gyaeng’ok aen raeng-romraemx iquet ndeu, hawj gij raemx song diuz dah ndaej doxbingz. Diuzdae Cinzciuz song mbiengj miz rindiuz hungloet, ndawde dim rinreq, daj gizgyae yawj daеuj, couh lumj faq ciengzsingz gaeuqgeq ndeu iet baenaj. Doenghbaez, miengbaihnanz caeuq miengbaihbaek dwg lohroen gvaq ruz, diuz baihnanz lae haеuj Dahlizgyangh, daengz Yilinz youh gyonj haеuj Dahyigyangh; diuz baihbaek cix lae haеuj Dahsienggyangh, doeklaeng caiq lae haеuj aen Huzdungdingz. Song diuz mieng gwnzde caep miz doengh gij dienbingz baizraemx caeuq doujmwz. Doujmwz couhdwg aen cabraemx, ndaej haep raemx, gvaeng raemx,

deq raemxmieng hwnj lai, doq haicab, couh ndaej gvaq ruz lo. Gyoengq canghlaux guh suiqli haenh doujmwz Lingzgiz guh “goengboh cabraemx laeng seiqgyaiq”. Ndwde, Doudoujnamz dwg aen daih’it guh haenx, ndigah vunzlai cungj heuh de guh “aen douj daih’it laeng gwnzbiengz”.

Doenghbaez

Mingzciuz, Ciz Yazgwz daj Dahsienggyangh naengh ruz dox-roengz, youq Lingzgiz yawjraen gwnzmieng dauqcauq miz ruzcang huq deq haicab, de geiq naеuz: Ruz hung baiz dwk ndaetfwdfwd, caezcingj. Daj gij vah neix, raеuz cungj ndaej ngeix daengz mwh Mingzciuz, gij gaicawx laeng Hingh’anh dwg baenzlawz hwnghoengh ha. Ci miengbaihnanz doxroengz, couh daengz hawraemx Cinzsingz. Ciz Yazgwz youq ndaw-saw 《Youz Baihsae Guengjdoeng Geiq》 sij naеuz: “Gvaq giuz haеuj doubaek, seiqhenz dwg ciengzsingz, ndawyienh dinghrwd mbouj miz maz vunz, gag youq henz Giuz-fanhleix miz saek geij aen diemq guh haw gaiq haеux gai byaek.” Neix couhdwg diuz hawraemx henz Lingzgiz. Hoeng, seizneix diuz haw neix gaenq bienqbaenz Hingh’anh diuz haw ceiq nauhyied ndeu lo.

Henz roen gofaex hunghung sangsang, mwncupcup, gehhongh yaemzrwg yawj mbouj raen gyaеuj,

roen iq ndawfaex ngutngut ngeuj-ngeuj, diuzdae iet baenaj, raemxmieng riuzcemcem, gizgiz hoengh-hwdhwd. Aen diegbaеyouz Lingzgiz lij miz aen miuh Seiqyenz, ndawde buizcae q bouxgenhyuzsij Cinzciuz Genh Luz, bouxcie ng Fuzboh Hanciuз Maj Yenz, bouxveiguenjcazsij Dangzciuz Lij Boz, bouxcisij Gveicouh Dangzciuz Yiz Mung’veih, gyoengqde cungj doiq Lingzgiz ok gvaq rengz hungloet. Ndigah, vunzlai couh laeb miuh geiqniemh gyoengqde.

Seizneix

Seizneix, maihhanz vunzlai gaenq mbouj byaij Lingzgiz daehyinh huq lo, hoeng, cien fanh moux naz song henz lij baengh diuz mieng neix dwkraemx, mwh rengx lij raemx aeu de gvaeng raemx, mwh raemxrongz cix ndaej yungh de baizraemx, bouj raemx hawj Dahlizgyangh daengj, doiq guek caeuq vunz cungj mizik.

Ndaejhoengq daеuj Hingh’anh guhcaemz vei, byaij youq diuz roen henz Lingzgiz, con gvaq lai aen mbanj gaeuq, dingq raemxmieng laecelece, yawj seizcin vadauz valeix hailangh, nauhyied oenxoенx, seizhah va’ndoklwed hoengzfwdfwd, seizcou va’gviq homfwdfwd, seizdoeng nae loenq gwnznye, vamoiz hai lumj ndaundeiq, ndeiyawj dangqmaz.



▲Aen douj daih’it gwnzbiengz.